

考
工
記
考
辨

倉史居饌著第十種卷五

攷工記輿人攷辨

古膠王宗

輿人為車

攷曰車當為輿涉下車廣而誤也說文車輿輪之總
名也輿人單為小車牝服不得云為車且輪人為輪
輅人為輅車人為車記文上下皆不易字則此車字
是轉寫之誤明甚

鄭曰車輿也

辨曰輿牝服之專名也合牝服于輪軸乃得稱車任
載車牝服與輪軸一人為之故職以車名而曰車人

王必於情不立車
廣山行輿廣
之曰輿此車
之曰輿此車

為車，凡人所乘皆牝服之，已合于輪軸者，而人在牝服之中，故經典多云乘車，亦通，僂乘與若與，八單為牝服，是與之未合于輪軸者也。則記文元本必作與人為與，可知。鄭不知車是誤字，而以與訓車，由先不知車與與之有別也。

輪崇平廣，衡長參如一，謂之參稱。

鄭曰：稱猶等也。衡之長容兩股。

賈曰：參如一者，謂俱六尺六寸也。

攷曰：車廣謂兩輪之相距也。兩輪中夾一輿，謂之車廣。即說文輿，總名之義也。由輈以上旁距兩輪曰車。

此車出輪軸與
為如車之
為如車之
為如車之

廣由輈以下旁距兩輪曰徹廣車廣六尺六寸者

尺六

六寸兩輪輈散及大圓平面相距之度其徹廣亦六寸也其輈股相距六尺四寸三分寸之二

尺六寸可知徹廣六尺者其車廣亦六尺可知與人不言徹廣車人不言車廣正以徹廣與車廣彼此可以互證尔所以知此者小車之有衡猶任載車之有鬲也鬲長侔于徹廣則衡長侔于車廣卽是侔于徹廣甚明輪軸非與人所為而車廣記于與人者因隄及式宗軫圜皆準車廣以起度也况車廣雖非與廣而與廣可卽車廣以推置車廣六尺六寸兩旁各減輈內之轂一尺縵三分寸之二凡二尺一寸三分寸

之一、餘四尺四寸三分寸之二、當取四尺四寸為輿
廣、兩旁各餘三分寸之一、為轂轄之間、則轂之運轉
不內侵轄、而輿安、與廣同于輿隧、其形正方、記云軫
之方也、以象地也、其的證也、置車廣六尺六寸兩旁
各加輪厚二寸、輻外之轂一尺九寸三分寸之一、轂在輻外者、本長二尺、以輪外算三分寸之二、當準大圖平面、以量輻外之轂、則轂短三分寸之二、故止得一尺九寸三分寸之一也、則兩軹相距一丈零八寸又三分寸之
二、兩軹入算軸頭約各長五寸、通長一丈一尺八寸
三分寸之二、當名一丈二尺為軌、不足一寸三分寸之一、幹貫
軸頭、倚箸于兩軹、兩幹相距約一丈一尺零三分寸

之二故蓋徑一丈一尺五寸二分八釐二豪零二忽
零者記謂之庇軒也

參分車廣去一以為隧

鄭曰兵車之隧四尺四寸鄭司農云隧謂車與深也
讀如鑽燧改火之燧亦謂讀如邃宇之邃

攷曰自此下至為之較崇論與大小高下之形制也
兵車乘車田車三者如一四尺四寸自前軫至後軫
之度前後軫竝入算記但詳隧深而不言與廣欲學
者據車廣輻內軫方之文以求與廣也隧先鄭讀燧
但明隧之聲後鄭讀邃兼明隧之義

參分其隧一在前二在後以揉其式

鄭曰兵車之式深尺四寸三分寸之二

賈曰乘車亦同

戴曰式前車也記不言式較之長一在前其上三面周以式二在後其上為較

攷曰揉當作燥下文云飾車欲侈謂式畧侈大于軫也記不言侈之度以意揣之假如式左右各侈半寸則式廣得四尺五寸三分分之每分得尺五寸中一分不燥燥其左右二分使向後以合于較則式隅圍折下不與軫隅相直餘去中一分并左右兩式隅適

得平園之半徑凡三尺以密率求之園周得九尺四寸二分四釐七豪七秒七忽零半之加式之中一分式通長六尺二寸一分二釐四豪二秒三忽零兩端當各贏一寸坳其內偏為偃月形以抱較未入算鄭云式深尺四寸三分寸之二未計其侈也并侈半寸式中一分深尺五寸一分六釐六豪六秒六忽零隧之後二分深二尺九寸三分三釐三豪三秒三忽零與後門闌不向後侈當縮于後軫半寸置二尺九寸三分三釐三豪三秒三忽零除去半寸并門闌立木徑一寸五分五釐六豪一秒八忽零餘二尺七寸七

分七釐七豪一秒五忽卽為較長較後端當贏三分
坳其中以抱門闌立木與前端反出之車耳皆未入
算古者乘車之儀三分其隧御者立在前一分居中
而箸于式左右兩人立中一分旁倚于較前直式隅
圜折處楚詞云倚結軫兮長太息涕潺湲兮下霑式
是也其式四乘則一人居中立後一分御者與左右
不竝立故輿廣四尺四寸而不覺其隘兩轂貫軸適
直中一分之中禮故云顧不過轂兵車大將居左掌
鼓鉦鼓有跗置左式外箸于兵闌出式上約二尺左
襄十八年晉獲齊殖綽郭最坐於中軍之鼓下兵闌

立木圍徑當與較同植在前後軫上內距左右軫八寸半立木入算前後軫出兵闌立木外者一寸外距輻股一寸零兵闌外距輻股二寸零兵闌外建大盾亦厚一寸零故不妨輪之運轉也於八寸半中除立木徑一寸五分五釐六豪一秒八忽零餘不足七寸而鼓下可容一人坐明式隅圍折下不與軫隅相直也人坐約高五尺知鼓高于軫五尺餘也鉦縣鼓後而下于鼓左宣四年伯棼射王自鼓跗箸于丁寔杜云丁寔鉦也其明證也

戴曰式長九尺五寸三分寸之一左右較各長二尺

九寸三分寸之一

辨曰戴以六尺六寸為輿廣倍式深并輿廣得九尺五寸三分寸之一是戴以式隅為方折也若是圍折即使輿廣六尺六寸式長必不能有九尺五寸三分寸之一也然方折之隅從未見有能燖屈一木以為之者戴說于誤之中又有誤焉車輿有門互見于輪人較連反出之車耳長不止二尺九寸三分寸之一不計反出之車耳不及二尺九寸三分寸之一若長得二尺九寸三分寸之一則輿之後軫無餘地以置門矣戴說亦誤

以其廣之半為之式崇

鄭曰兵車之式高三尺三寸

攷曰田車乘車亦同鄭云兵車舉其一尔餘仿此

以其隧之半為之較崇

鄭曰兵車自較而下凡五尺五寸故書較作權杜子

春云當為較

攷曰較說文作較解云車轡上曲鉤也轡車旁也沫

謂轡車旁軫也周乎軫軫之橫木植木與橫木之為

車耳而反出者上曲者下垂者統名曰較較以韋較

尊卑名轡以人所倚著名析言之則反出曰較下垂

曰輒上曲曰鈎鈎之制初自夏蓋為天子乘車明堂位云鈎車夏后氏之路其證也上鈎下輒相繫為重淇澳詩謂之重較一名重耳崔豹古今注云車較重耳是也在周時為王朝卿士乘車毛傳云重耳卿士之車是也續漢輿服志云金薄繆龍以為輿倚較倚即輶也則漢時輶較上有刻作龍形而飾以金者矣與後為門闌與十尺之蓋相稱約出較上二尺六寸通高八尺一寸崇于蓋宇一寸足禦輿後之風較崇五尺五寸天地之數也門闌崇八尺一寸黃鐘之數也

鄭曰較兩轆上出式者

賈曰較謂車輿兩相今人謂之平鬲也言兩轆謂車相兩旁豎之者二者既別而云較兩轆上出式者以其較之兩頭皆置于轆上二木相附故據兩較出式而言之

辨曰據鄭賈說輿旁惟橫木名較其植木則名轆也然式之橫木植木皆名式較之植木不應獨有別名且人之所倚者橫木及軫不及其植木也植木安得專轆之名沫得以軫例之軫是式中之軫非式之植木則轆是較中之轆軫非較之植木明甚故曰輿旁

橫木植木竝名較也。

阮曰：輶，上反出，謂之輶。輶，立木達輶，謂之較。說文曰：較，車輶上曲鉤也。輶，車兩輶也。從車，取聲。取耳下垂也。象形。春秋傳云：秦公子取者，其耳下垂，故以為名。輶，車耳反出也。合此四者，可知車耳之反出矣。蓋車輶版通高五尺五寸，其下三尺三寸直立，軫上軫上之輪崇三尺三寸，與直輶前式同高。若過此三尺三寸之上，則漸而外曲，勢反出乎輪之上。象耳之取，故謂之輶。以其反出，又謂之輶。至其直立軾上上曲如兩角之木，則謂之較。重出式上，故名重較。崔豹古今

此是說車較之
較其較其也

修注

注曰車較重耳也在車舉上重起為兩角然
辨曰較之立木前與式接其上橫木之出乎立木前
者約三四寸燥之使屈而向外如今交椅之扶手是
為車耳反出輒者于反出之車耳下刻木為下垂之
飾如耳之下垂者然今交椅扶手下亦有片木下垂
如耳未必非規撫古時車輒之制為之也故謂之交
椅交較之省椅倚之假借也車耳反出下垂飾之通
乎貴賤者又于反出車耳之上刻木為上曲之鉤與
下垂之輒相繫而重是為重較此貴者所獨毛公以
重較為卿士車其證也較中有軫無版阮謂輶是直

立軫上之版誤一謂轎版出式上者反出誤二謂反
出卽是下垂誤三謂直立軫上之較木其上曲如兩
角誤四夫較之後立木與門闌相接不容上曲則立
木之接式者亦不容屈曲其上甚明下文云立者中
縣尤立木不上曲之明證且式出軫上三尺三寸并
軫崇四尺凡七尺三寸崇于六尺六寸之輪七寸田
車式并軫崇三尺八寸半凡七尺一寸半崇于六尺
三寸之輪八寸半夫人知之阮謂輪輿式同高疏舛
已極何論其他

六分其廣以一為之軾圍

鄭曰兵車之軫圍尺一寸

江曰軫方徑二寸七分有半

戴曰輿下四面材合而收輿謂之軫亦謂之收輅人軾間則左右名軾之證也加軾與輅弓長底軾軾方象地則前後左右通名軾之證也

攷曰自此下至去一以為輅圍論斲材大小之度方徑二寸七分有半謂四面各得二寸七分五釐合為一尺一寸徑一周四方圍也

鄭曰軾輿後橫者也

辨曰加軾與輅注云軾輿也是輿下四面材竝名軾

鄭亦知之、特恐與旁減軌內七寸之說相妨、故但以輿後橫者為軫、而指三面材為軛、使若式較所封之軛、非卽軫也者、此則鄭之遁詞也。

段曰姚氏鼎云記曰軫之方以象地、蓋軾方六尺六寸、記曰參分車廣去一、以為隧蓋、以二尺二寸為輿後其前廣如軾而深四尺四寸、以設立木焉、是為收毛公云收軾也、謂深四尺四寸收於軾矣、非謂軾名收也、玉裁按姚氏說為完合、輿下三面之材與後橫木而正方、渾言之四面曰軾、析言之、輶式所封曰軛、輿後曰軾。

辨曰姚以軫為輿後蓋謂如今時轎車之有尾也其說近理足惑人不可不辨案記云去一以為式圍去一以為較圍凡言去者皆實有所減損之詞記云參分牙圍而泰其二參分輻長而殺其一參分弓長而燂其一皆於一物中區分彼此以示別異之詞也倘軫在輿後二尺二寸與深四尺四寸之隧合而成方于車廣非實有所減損記當依參分其隧一在前一在後以燂其式之例而云參分車廣以一為軫二為輿而置其門必不云去一以為隧也今云去一以為隧則二尺二寸是減損于車廣之實數明矣且古惟

任載車有尾。說文云：軹，大車後也。輶人云：不援其軹，必繒其牛後是也。小車之尾，經典絕無左證。祇因不知車與輿之有辨，而輿廣六尺六寸，及徹廣八尺二說，遂至橫互於胷中而不能去。乃從而為之詞。爾姚謂軫非名收，亦未是。所載收于式較，式較植于軫，毛公故以軫訓收也。

參分軫圍去一以為式圍

鄭曰：兵車之式圍，七寸三分寸之一。

攷曰：式圍圍徑二寸三分三釐四豪二秒七忽零。橫木立木竝同。立木凡四枚，兩枚在正面，兩枚與左右

較接並出軫上三尺零六分六釐五豪七秒六忽零
下入軫用偏柶下入軫及上入橫木之柶皆未入算
并上橫木崇三尺三寸上橫木一枚兩隅圓折并兩
端銜較者通長六尺四寸一分二釐四豪二秒三忽
零下橫木三枚出軫上約五寸一枚在式正中長一
尺二寸三分三釐二豪三秒七忽零二枚在式左右
為圓折之隅各長二尺一寸二分三釐七豪零六忽
零入立木之柶皆未入算轡軫在上橫木之下下橫
木之上下橫木之下以版橫側揜之禮謂之軛詩謂
之陰毛傳謂之揜軛

參分式圍去一以為較圍

鄭曰兵車之較圍四寸九分寸之八

攷曰較圍亦圍其徑一寸五分五釐六豪一秒八忽

零橫木立木竝同左右兩較立木各二枚前一枚接

于式下入軫用正枘後一枚接于門闌立木下入軫

用偏枘相距二尺七寸二分七釐七豪一秒五忽零

立木入算并門闌立木凡二尺八寸八分三釐三豪

三秒三忽零不盡後軫半寸

若盡後軫則立木不較固知當不盡半寸也

立木出軾上五尺三寸四分四釐三豪八秒二忽弱

上入橫木下入軾之枘未入算并上橫木崇五尺五

寸上橫木長二尺七寸二分七釐七豪一秒五忽零
并銜門闌立木者三分及反出之車耳通長約三尺
一寸強下橫木出軫上約八寸長二尺四寸一分六
釐六豪六秒九忽兩端入立木之柶未入算轆軫在
上橫木之下下橫木之上下橫木之下亦以版橫側
揜之與式下之揜版同名記不詳門闌之大小其圍
徑蓋與較同門闌無下橫木立木二枚下入軫用正
柶崇于軫七尺九寸四分四釐三豪八秒二忽弱下
入軫上入橫木之柶未入算上加橫木通高八尺一
寸左右相距四尺三寸橫木之長如之左右不盡軫

各半寸立木入算乘車設兩扉曲禮展輪效駕奮衣由右上下釋文引舊解

云輪開也蓋其扉亦交木為方格與轉同制故禮謂之輪注謂之開也展輪謂啟扉以俟登車也故先展輪而後效駕言由右上於四尺三寸中除去二立木

則非一扉居中甚明之徑三寸一分一釐二豪三秒六忽強餘三尺九寸

八分八釐七豪六秒四忽弱則每扉應廣一尺九寸

九分不盡八釐七豪六秒四忽弱以利啟閉式接較

較接門闌皆鞅之以革鄭所謂革鞅與是也與無門開則左

右較不能自固戴阮與圖但兵車田車或但有門而

具式較而後無門誤之甚者不設扉或亦設扉至臨敵入圍時始去之左襄二十四年鄭宛

射犬御晉張駱輔蹀馳入楚軍二子下與楚戰射犬弗待而出二子超乘抽弓而射按射犬驅車先出楚

壁張輔追及起來而登楚之逐張輔者勢必更在其後張輔射之其矢必從與後之門出矣若果設扉不便起乘亦不便射故經與未有的据俟攷其扉應高知臨激必去其扉也

七尺九寸六分門闌之橫木當削平其下面於圍徑一寸五分五釐六豪一秒八忽零中削去下面一分五釐六豪一秒八忽零使平與扉相應扉輅之圍徑當與輅輅同

參分較圍去一以為輅圍

鄭曰兵車之輅圍三寸二十七分寸之七

攷曰輅當作輅輅較之植者橫者也人所對之輅曰輅人所倚之輅曰輅書作輅聲近而誤也輅圍方其

徑八分一釐四豪八秒一忽零。植者橫交為方格。通名曰軫。楚詞謂之結軫。以絲木縱橫交織如結也。軫外以革若席為蔽。是為輶。輶以蔽軫。猶牆以蔽垣也。故字皆從瞿。說文云。輶車籍交革也。籍古通席。爾雅云。與革前謂之輶。後謂之第。詩云。簟第朱輶。皆謂車軾前蔽用革。後蔽用席也。

鄭曰。輶輶之植者橫者也。與轂末同名。

辨曰。凡物之同名者。其形必相類。如輻末名爪。蓋弓之末亦名爪。細大雖殊。其為末則同也。今轂末止一大圓空。軾闌聚諸小方格。形制縣殊。同名奚所取義。

沫故謂軹是轡之聲誤也

參分軹圍去一以為軹圍

鄭曰兵車之軹圍二寸八十一分寸之十四軹者以其鄉人為名鄭司農云軹讀為綴繫之綴謂車輿軹立者也立者為軹軹書或為軹

攷曰軹圍之軹亦當為轡軹圍方其徑五分四釐二豪九秒零軹式之植者也式隅圍折故但為直格也軹之言孺轡軹之通名也錢氏坫云軹之言闌也闌在內也

鄭曰軹式之植者橫者也鄭司農云衡者為軹

按軹亦當

轉為

辨曰鄭意式下之軫亦交木為方格與較下之軾同殊不知圓折之式隅決不能為方格正面一分因兩隅之不為方格而亦但為直格當以先鄭說為是立者為軾謂其格但有植者也至較下之軾當從後鄭說楚詞倚結軾之文可證也先鄭衡者為軾謂較下但為橫格亦誤說文云軾車橫軾也則又以軾為橫格矣凍謂橫格可施于式之正面謂式下無橫格不可謂式隅亦為橫格尤不可也

圓圓者中規方者中矩立者中縣衡者中水直者如生焉

繼者如附焉

鄭曰治材居材如此乃善也如生如木從地生

攷曰自此下至末是為與之總結亦上文之補義也
圍者中規謂式圍較圍門闌圍方者中矩謂軫圍軾
圍軾圍門扉圍立者謂式較門闌軾軾扉之縱木中
縣言直也衡者謂式較門闌軾軾扉之橫木中水言
平也此就式較門闌未植于軾時言也直植也植者
如生言立之軾上如木生于地不可動搖也繼者如
附言式繼較較繼門闌其相接處兩兩附合不留間
隙也此就式較門闌已植于軾時言也

鄭曰如附如附枝之宏殺也

辨曰鄭意以繼者為轆繼較轆繼式故言宏殺也然轆在較中轆在式中皆相合而不可分離豈徒如附已哉如附云者乃本不附合而有似于附合之詞無宏殺之義甚明

凡居材大與小無并大倚小則摧引之則絕

鄭曰并偏衰相就也用力之時其大并於小者小者強不堪則摧也其小并於大者小者力不堪則絕也攷曰居猶就也材謂式較門闌之材大謂式小謂較及門闌并謂鑿枘相合摧頽也絕斷皆謂折也蓋材

木大小不侔不可併合如強欲并之必偏為鑿枘鄭故以併為偏表相就也無并謂式較門闌之橫木各自與其立木相合而式之橫木不合于較之立木較之橫木不合于門闌之立木也此節與上如附義相足大倚小云云極言并之弊

棧車欲弇

鄭曰為其無革鞣不堅易折壞也士乘棧車

賈曰弇向內

攷曰說文云棧棚也竹木之車沫謂弇斂也棧車縛竹木為棚其棚斂小于四尺四寸之軫賈說是


飾車欲侈

鄭曰飾車謂革鞅輿也大夫以上革鞅輿故書侈作移杜子春云當為侈

賈曰侈向外

攷曰侈肆大也謂式之立木其上微注于外而上橫木肆大于四尺四寸之軫也賈說亦是


軫圖



攷曰右軫圖依兵車之制寫之前後軫出左右軫外各九寸半通長六尺三寸故兵車一名廣車歟田車之軫當與兵車同制乘車無兵闌前後亦長四尺四寸為正方形兵車田車除兵闌其中載人者亦屬正方記故曰軫之方也以象地也與氏薦版橫鋪左右軾上後不盡後軾所以止扉使不得內入也薦版出左右軾外亦各九寸半是為兵闌氏以載兵器兵闌氏下當各有從木一枚以承薦版其大小上與軾平下以不妨轂轉為度右圖未具左右軾內承薦版之二從木其大小亦如之蓋枉空在與氏之中央


下當軒之鉤心凡圖中之空圓者容正柄如半月者皆容偏柄之鑿也

燂式圖



攷曰右圖卽下式圖之上橫木也以式圖于兩隅圓折之形未顯故先為此圖以明之式上之橫木燠屈一木為之周于輿之前三面兩隅圓折下與軫隅有似乎方中函圓其橫木并兩端抱較之一寸通長六尺四寸一分二釐四豪二秒三忽零兵車田車乘車其式之燠屈皆同此而戴阮二家之輿圖式隅皆方折顯與記燠式之文矛盾故別為此圖以正之

式圖



攷曰式上侈下斂立木入軫鑿非偏杓不固正面二
立木之杓偏于後而殺其前為句接左較立木之杓⁸⁹
偏于右而殺其左為句接右較立木之杓偏于左而
殺其右為句下橫木分三截為之與上橫木燔屈一
木者不同式隅短立木左右各一枚上入下橫木有
杓下箸薦版無杓所以固下橫木也下橫木之下無
輶軫以版橫側揜之上齊下橫木下箸薦版正面下
沒軫卽詩所謂陰也短立木在陰版之內貫鞅之垂
環在陰版之外其處所則同右圖未具輶軫陰版也
鞅以皮二條前繫于驂馬之頸後繫于軸以引車說

文云靽引軸也毛傳云靽所以引也其證也靽若曳地易絆服馬之後足則于式隅之陰版上別設連環垂于軫下而貫靽于環中所以制靽使不至曳地也靽之繫軸者藏在輿下不可得見可見者惟陰版上之垂環故詩云陰靽驂馬頸中之皮條非直繫于軸中斷之而設環與鈎以便駕脫卽詩所謂蓋續是也毛傳云續續靽也非謂靽與陰版上之垂鈎相續也

較

圖

抱門闌

并上橫木崇五尺五寸杓不入算

杓

倨

曲鉤

較

接較

杓

正

此中交
木織為
方格謂
之騎一
名結軛

此中交
木織為
方格謂
之騎一
名結軛

攷曰較上曲之鉤與下垂之輓相繫為重是曰重較
卿士以上車也若卿士以下則車無上曲之鉤但有
下垂之輓是為單較至左較之耳向左反出右較之
耳向右反出則重較單較皆同

門 闌 圖

左右相距四尺三寸五大人算

并上橫木通高八尺一寸杓不入算

平較

平式

杓

平較


平式

杓

攷曰門闌在輿後中設兩扉闢則向後闔則向前立
木下為正杓左右不盡軫半寸後不盡軫亦半寸

戴輿圖辨

戴曰左右兩較望之而重



輿目以目寸

輿目以目寸

辨曰凡木燥而折之其折必圜轉人云凡燥轉欲其
孫而無弧深是燥木至深不過如弧而弧折皆圜雖
有國工豈能燥作方隅哉今式隅方折誤一謂軫間
廣六尺六寸誤二與後無門闌誤三以較之立木為
軾誤四較無反出之耳誤五謂左右兩較望之而重
誤六夫較分左右望之而重惟旁視則然且以此為
重較又何車不重較而毛公乃以重較為卿士車乎
古今注云重較在車轡上重起如牛角沫故以車耳
有上曲之鈞者為重較也

倉史居饌箸第十種卷六

攷工記輶人攷辨上

古嘒王宗凍學

輶人為輶

鄭曰輶車輶也詩曰五檠梁輶

攷曰析言之曲者為輶直者為輶小車曲輶一木居中兩服馬夾輶左右左哀十七年謂之中甸任載車直輶兩木分左右一牛在兩輶中說文云輶輶也輶輶也渾言之也

輶有三度軸有三理

鄭曰目下車度深淺之數

攷曰軸有三理四字見下文此誤衍

國馬之輶深四尺有七寸

鄭曰國馬謂種馬戎馬齊馬道馬高八尺鄭司農云
深謂輶曲中

攷曰高八尺之馬其頸上縛輶處不及八尺也兵車
乘輶崇三尺有三寸并此輶深正得八尺輶未入算
故先鄭以深為輶之曲中後鄭謂衡頸之間七寸蓋
謂輶端下于曲中七寸也衡縮于輶端約二寸輶端
留二寸以貫軹則衡下于曲中約五寸八分弱衡徑
四寸二分強并之衡高得七尺衡未入算

鄭曰兵車乘軹崇三尺有三寸加軹與轆七寸又并
此軹深則衡沫按衡當作軹字之誤也鄭意亦以深
衡頸之間謂軹頸縛衡氏于曲中七寸也則此衡字為軹之誤明甚軹高即指曲中高八尺七
寸也除馬之高則餘七寸為衡頸之間也
辨日記云加軹與轆焉四尺也乃軹上面距地之數
軹入軹下與轆齊平則軹之下面距地亦止三尺三
寸尔以三尺三寸與四尺七寸并正得八尺即并軹
身計之不過八尺三寸餘軹頸圍周九寸六分曲中
過三寸安得有八尺七寸也如後鄭說軹反加于軹
餘也之上矣舛謬已極何論其他

阮日記文一曰凡揉轉欲其孫而無弧深再曰轉深則折淺則負深字皆指曲中者為言是所謂深四尺七寸者乃曲中之度必非轉端下垂之高明矣今以通徑求外周以定轉身中心之長攷轉身有圍卽有徑求記者之意其轉身當以徑三寸入算蓋以此三寸合之四尺七寸其深五尺為半徑合通徑十尺適得平圓之半又轉身既有圍徑之三寸則當有胸有羸今以軌前十尺內減兩端轉身徑共六寸餘九尺四寸之通徑合四尺七寸之半徑求平圓半周得十四尺七寸六分五釐四豪此轉身胸數也若竝轉兩

端身徑在內為軌前十尺之通徑合軻身三寸于深
四尺七寸為五尺之半徑求平圍半周得十五尺七
寸零七釐九豪此軻身外背之贏數也既得贏胸一
數再以二數通徑相減為九尺七寸之通徑四尺八
寸五分之半徑求平圍半周得一丈五尺二寸三分
六釐六豪此軻身中心之長也軻身在輿下者正平
長與輿隧等四尺四寸是軻身通長一丈九尺餘
辨曰阮之推算極精覈而凍不敢從者有二焉頸圍
減于兔圍參分之一圍周得九寸六分特持衡處之
軻身尔記故別之為頸圍明自當兔以前軻身雖漸

殺其圍固不止九寸六分也阮云今以軌前十尺內減兩端輶身徑共六寸是謂輶頸輶身徑皆三寸無乃與記文相矛盾乎輶在輿下者距地三尺三寸輶未入算如輶在軌前者為平圍半周形則下垂之輶頸距地亦止三尺三寸尔阮謂馬頸至高不過六尺然至氏者亦不止于三尺三寸况駕國馬而可用距地三尺三寸之輶頸乎則其說固已自相矛盾矣如使輶頸距地亦得六尺則近軌之輶身又與式輶相妨矣且輶是完木所為木性雖善屈不能燥作平圍半周况輶在輿下者正平倘軌前之輶燥作平圍半

周則輶出軌前上曲處與輿下正平之輶當燖令近
臥矩形而後下垂之輶頸距地得三尺三寸否則必
不足三尺三寸如欲輶頸距地得六尺又必燖令畧
句于矩然而燖近臥矩形與畧句于矩此二者國工
所必不能也阮說何可從也謂深四尺七寸是曲中
之度雖用二鄭說而意則絕異鄭云衡頸之間七寸
是謂輶頸之端下于曲中七寸也阮云適得平圍之
半乃謂輶頸之端下于曲中四尺七寸與二鄭意不
大相刺謬耶

田馬之輶深四尺

鄭曰田車軹崇三尺一寸半并此輶深而七尺一寸半今田馬七尺

攷曰高七尺之馬其頸上縛輶處不及七尺也七尺一寸半亦輶曲中距地之數輶未入算鄭謂田馬之輶輶端下于曲中亦七寸則衡縮于輶端亦二寸下于曲中亦五寸八分弱矣并衡徑四寸二分強則衡距地得六尺衡未入算

鄭曰衡頸之間亦七寸則軹與轅五寸半則衡

凍按
衡亦

當作輶如本作衡并衡徑尚高七尺
二寸八分弱去馬幾三寸何以駕焉高七尺七寸

辨曰田車之異于兵車乘車者獨輪崇爾餘竝同也

安得謂軫與轆五寸半。即使田車之廣取數于輪崇六尺三寸。軾圍得六分之一。方周一尺零五分。徑二寸六分二釐五豪。減于兵車乘車之軾徑。僅一分二釐五豪。轆之圍徑。卽有減殺。亦不過分數耳。則軾與轆并當得六分寸八九分。況未必有此減殺乎。何以言之。軾前十尺。田車不異于兵車乘車。則軾當免亦減于兵車乘車明甚。鄭說謬中又謬。不獨軾加于軾上為不可通也。

阮曰。此為半橢圓形。與圓馬之軾為正圓者不同。試推之以軾前為通徑。軾深為小半徑。求橢圓積得橢

圍半周贏胸二數相減得田馬輅心長一丈四尺三寸二分四釐一豪再加輿下四尺四寸共長一丈八尺七寸四分四釐一豪

辨曰田馬之輅如作半橢圓形則下垂之輅頸距地僅得三尺一寸半何以駕七尺之馬阮之推算雖精數不合田馬輅之度也

駕馬之輅深三尺有三寸

鄭曰駕馬之車輅崇三尺又曰今駕馬六尺

攷曰高六尺之馬其頸上縛輅處不及六尺也。敎人注、駕馬給宮中之役詩有棧之車毛傳棧車役車也

役車軹崇經無的證然任載之柏車輪崇六尺軹崇半于輪崇是柏車固軹崇三尺謂給役小車軹崇等于柏車理亦可通軹崇三尺并此輈深輈曲中距地得六尺三寸輈未入算鄭謂駕馬之輈輈端下于曲中亦七寸則衡縮于輈端亦二寸下于曲中亦五寸八分弱并衡徑四寸二分強則衡距地得五尺衡未入算

鄭曰輪軹與軹輈大小之減率寸半則駕馬之車軹崇三尺加軹與輈四寸又并此輈深則衡當沫按衡亦當作輈高六尺七寸也除馬之高則衡頸之間亦七寸

辨曰軫圍得車廣六分之一、轆圍同于當兔、得輶長十分之一、記並有明文、役車之廣與輶長不見經典、鄭云加軾與轆四寸、不知何所據而云然也、攷兵車乘車轆圍一尺四寸四分、軾圍一尺一寸、是軾圍得轆圍四分之三、又羸二分、設七分四寸、令三為軾、四為轆、則轆厚二寸二分八釐、軾厚一寸七分二釐、軾弱已甚、豈勝載式較門闌之任哉、鄭既移軾下之輶、加諸軾之上、又減削軾轆以求合馬高之度、妄孰甚焉、不知馬之縛輶在頸之上、近于前足、其高下于馬首尺許、故輶端與馬齊高、不可縛輶也、鄭說之謬無

足深辨

阮曰今亦以軌前為通徑輈深為小半徑求橢圓積得橢圓半周贏胸二數相減得駕馬輈心長一丈二尺八寸零零一豪再加輿下四尺四寸共長一丈七尺二寸零零一豪

辨曰古人燥輈順本曲之木理而燥其一端令高四尺七寸與四尺與三尺三寸三度而持衡之輈端皆下垂七寸而止故引車不折也若兩端皆燥使下垂齊等而為平圓半橢周與半橢圓與橢圓半周形微獨燥木者不能也即令能之引車必折即令不折而

輶端距地僅得三尺三寸三尺一寸半三尺三度斷不能駕八尺七尺六尺之馬況八尺以上七尺以上六尺以上乎阮于推算甚精于攷古惜已疏矣

輶前十尺而策半之

鄭曰謂輶輶以前之長也策御者之策也鄭司農云輶謂式前也書或作輶亦謂輶是

攷曰二句各本在三者以為利也之下錯簡也今正十尺謂平徑也輶深分三度而輶前之平徑十尺則同承上文三句言也式較下橫木之下其揜版皆曰輶而輶則出輿正面揜版之前先鄭故以式前訓輶

式在上軌在下其處所同也

鄭曰十或作七合七為弣四尺七寸為句以求其股股則短矣七非也

辨曰鄭以七為非是也然据合七云云鄭固以十為弣不以十為平徑也其說未是

鄭曰軹各本軹誤作軹段云各謂軹是句謂當從軹也下釋軹字之義軹訓法與軹訓式前不同所以伸大鄭之意謂此經軹是軹非濫也謂與下三面之材轆式之所對持車正也

辨曰鄭分別軹軹之是非不誤軹蓋軹之異名周币于輿下範圍之義蓋起于軹也然以軹為持車正失

之矣。

戴曰車旁曰輶式前曰軌皆揜輿板也軌以揜式前故漢人亦呼曰揜軌詩謂之陰自軌至衡頸十尺據輶穹隆言式衡間八尺幾半也

辨曰鄭以為輶式同封于軌謂輶是較之植木也其說誤較之輶式之輶蔽以革若席詩爾雅有昉證若輶既是揜版何為又以革若席為蔽凍故謂軌是式較下橫木下之揜版也揜版上不蔽輶輶倚所不及說文輶訓車旁不謂車旁之揜版也戴說亦誤戴謂十尺據輶穹隆言尤誤穹隆有三等十尺連穹隆而

王宗源跋

式衡間八尺幾半、以輶深四尺七寸者言也。若輶深四尺、輶深三尺三寸、而自軌至衡、連穹隆亦皆十尺、則式衡間必不止八尺幾半矣。嘗以輶深四尺七寸為句、十尺為弦、而求其股、得八尺八寸二分六釐六豪六秒四忽零、固已不止八尺幾半。如以輶深四尺為句、十尺為弦、而求其股、得九尺一寸六分五釐一豪五秒一忽零、三尺三寸為句、十尺為弦、而求其股、得九尺四寸三分九釐八豪零九忽零。是國馬輶之式衡間反短、田馬驚馬輶之式衡間反長也。知必不然、且兩輪之出于式前者一尺一寸、馬身自頸至尾

畧高驂馬之頸後于衡若使式衡間八尺幾半則輪
侵驂馬後足不便引車沫故謂十尺是式距衡之平
徑穹隆深者輈長穹隆淺者輈短其長不過數寸而
平徑則皆十尺也

阮曰當式下圍輈者曰軌軌在輿之前軫下正中畧
如伏兔為半規形以圍輈身輈與輿之力在後軫則
有任正以持之在前軫則有軌以銜之故左右轉戾
不至敗折軌從車凡聲與範範字通借易繫辭曰範
圍天地而不過禮運曰範金合土法言曰模不模範
不範通俗文曰規範曰模範釋此諸義自是半規而

可模範物使不過者之名軌在前軫下所以範圍輈身使不過也

辨曰車以輪行輪貫于軸左右轉戾不至敗折者在輈軸相得輈加于軸前後軫加于輈而軸與左右軫為輈所隔不得相接因為伏兔以上承軾下銜軸故獨與與輈相得左右轉戾不能無敗也與必兼與伏兔相得左右轉戾乃不至敗折是以兔圍與輈當兔圍大小均一取其齊平足以載軾也若使前軾之下輈之上又有半規之軌則左右軾仍不得著于伏兔與何以能平且輈上加軌于軾下則軾崇必不止四

尺又與記文矛盾矣

軸有三理

攷曰總下文三句

一者以為嫩也

鄭曰無節目也

二者以為久也

鄭曰堅刃也

三者以為利也

鄭曰密滑

攷曰利謂運轂滑易也斲軸極圓而鑿治以密石則

滑而易轉

凡任木任正者十分其輶之長以其一為之圍衡任者五分其長以其一為之圍小於度謂之無任

鄭曰輶軌前十尺與隧深四尺四寸凡丈四尺四寸則任正之圍尺四寸五分寸之二兵車乘車衡圍一尺三寸五分寸之一無任言其不勝任

戴曰輶衡軸皆任木任正者輶也衡任者軸也衡也程曰輶之在輿下者為任正軸之在輿下者為衡任呂曰任正者即下文所謂輶當伏兔者也當兔之圍尺四寸五分寸之二正所謂十分其輶之長以其一

為之圍也

攷曰任正者輈當免也。輈也。左右兩軫不著于軸。則輿欹側不平。輈上承軫下銜軸。以正輿。故亦為任正者。記不云十分其長。以其一為之圍。而云十分其輈之長。以其一為之圍者。誠以任正又有輈。輈短于輈。而其圍亦得輈長十分之一故也。輈當免與輈並周一尺四寸四分。為橢方圍。平徑二寸七分五釐。立徑四寸四分五釐。軸長一丈零八寸六分六釐六豪六秒六忽零。頭未入算。軸不算。頭猶輈不算。穹隆也。軸圍得軸長五分之一。圍周二尺一寸七分三釐。

三豪三秒三忽零徑六寸九分四釐二豪三秒一忽
零此在輿下兩伏兔內之軸圍軸徑也衡長六尺六
寸圍得五分之一凡一尺三寸二分圍周也徑得四
寸二分強鑿衡兩旁之下偏為半規形約深圍徑三
分之一以縛鞅具鞅具曲木為之衣以柔革形如鳥
啄以义馬頭謂之鞅一名鞅輓其通名也毛傳云厄
鳥啄也輓之省說文云鞅輓下曲者鞅輓鞅也則以
衡之兩鑿為輓輓下所縛之曲木為鞅與毛異解沫
謂輓所以駕牛說文鞅解云大車縛輓輓其證也駕
馬具名輓假借也鞅圍也鳥啄圍折鞅以形言鞅拘

也輓扼也竝以鉗制馬牛之義言也

鄭曰任正者謂輿下三面持車正者也衡任者謂兩輓之間也

戴曰此先發其意下文乃舉其制記中文體若是多矣輿下之材合而成方通名曰軫故曰軫之方也以象地也鄭注專以輿後橫木為軫以輓式之所對三面材為輓又以輓為任正者如其說宜于輿人今輓人為之殆非也輿人為式較軹輹軹輹輹輹人為輹衡軸伏兔記不言輹輹衡伏兔之度輹輹輹輹輹輹衡圍準乎軸伏兔取節于輹當兔省文互見

辨曰鑿衡兩偏以縛輓鑿內鑿外竝圍一尺三寸二分惟鑿處減殺尔鄭乃以兩輓之間為衡任者何歟戴糾鄭之違是也謂此先發其意非也下文十分其輓云云特以輓身自踵至頸不皆圍一尺四寸四分記欲明頸踵二圍之衰分故複舉之衡之中央與兩端齊等即不複舉可證此非先發其意也且衡長詳于與人戴謂記不言衡之度疏甚衡圍亦不準軸段段曰衡木上平而下為兩坳加于兩服馬之頸是曰輓

辨曰段謂衡木下為兩坳是也即以兩坳為輓與毛

傳說文皆不合說文革部鞅大車縛軛鞅段引論語
皇疏云古作牛車先取一橫木縛著兩轅頭又別取
曲木為軛縛著橫木以駕牛脰也說最分明小車之
駕馬有鞅猶大車之駕牛有軛也則鞅亦曲木所為
縛著衡兩偏之坳處而非即兩坳甚明且衡徑四寸
二分強兩坳之深約得三分徑之一不能似鳥開口
向下啄物時也則义馬頸之鳥啄別以曲木為之又
甚明

阮曰鞅兩端木為任木前端駕馬為衡任後端持輿
為任正任正木橫安輿後與鞅踵為內鑿之投作一

形因加輈于軸作卅形又加輿于輈軸上作申形輿後軫與任正交固若一前軫下之軌規定輈身是輿已安置輈上不傾反矣記曰衡長車廣如一推得衡長六尺六寸記曰衡任者五分其長以其一為之圍推得衡圍一尺三寸二分記不言任正長今求任正長與輿廣等得任正長六尺六寸記曰任正者十分其輈之長以其一為之圍推得任正圍一尺五寸二分三釐六豪

辨曰以輈為車之任正者戴程呂之說不可易也而呂說以記證記尤為精覈若前以軌後以任正固輈

于輿乃阮之勘解此竊取段橫置車字則象車形之說而穿鑿者也。不知車字本非象形。愚所著說文解字彙誤辨之詳矣。夫輅有銜軸之鈎心。輶亦有銜軸之鈎心。輶之引車著力在軸。不在于輿。前後軫加于輶上。其所以與輶相固者。度不過如制轂之牽制衡之軌長一二寸而止。尔即伏兔承軫亦必有楔以相固。與輶之頸踵同。而為物甚微。故記皆從畧。且使任正木果橫安于輿後。則亦衡任者尔。與橫安輶頸下之衡何以異。而獨名為任正也。阮說祇足以疑誤後學。故辨之。

程曰隧深四尺四寸任正亦四尺四寸車廣六尺六寸衡任亦六尺六寸

辨曰輅圍一尺四寸四分者止當免處其長得三分四尺四寸之一自當免以後漸殺至踵圍得七尺六分八釐自當免以前漸殺至頸則圍得九寸六分程以為與下四尺四寸皆圍一尺四寸四分誤矣軸圍二尺一寸七分三釐三豪三秒三忽零者止兩轂內四尺四寸三分寸之二尔程謂衡任亦六尺六寸則以車廣為卽與廣亦誤

五分其軫間以其一為之軸圍

攷曰此軸圍指出兩軹外之軹頭言軹字或作軹見
說文方言云車軹齊謂之轆軹頭是軸末故亦謂之
軸圍軹間四尺四寸軸末圍得五分之一圍周八寸
八分徑二寸八分零一豪一秒二忽零軸末出兩軹
外者約長五寸一頭其圍與與下之軸小大不倫因
復記其減殺之度欲學者合軹空互參以求金厚也
軹頭設鍵以制轂謂之韋戴云亦作轄鑿幹淮南子
車之能轉千里者其要在三寸之轄說文韋車軸端
鍵也轄車聲也一曰鍵也急就篇注轄豎貫軸頭制
轂之鐵也沫案小穿釭空徑三寸二分零一豪一秒

二忽弱。程古銅轄記云：上為獸首，下為柄，納軸鑿中以開轂者也。度其柄，墨子所謂三寸轄也。連獸首之底度之，尸子所謂四寸之鍵也。戴云：軸當轂釭，參之以金，謂之銅。說文云：銅，車軸鐵也。釋名：銅，開也。開，釭軸之間，使不得相靡也。

鄭曰：軸圍亦一尺三寸五分，寸之一與衡任者相應。戴曰：左右軫之間六尺六寸，軸之長出轂末而以軫間為度者，主乎任輿之六尺六寸也。軸橫與下以任輿，即所謂衡任者。

辨曰：軸貫轂中，猶輈入輿下也。當兔圍分輈長十之

一并計與下之輈。輈圍分軸長五之一。不計轂中之
軸。有是理乎。輈頭殺于輿下之軸。猶頸踵殺于當兔
之輈也。記當兔之輈圍。并詳頸踵。記與下之輈圍。不
詳輈頭。有是理乎。且軸與衡異長。亦軸與衡異圍。軸
圍準軸長而殺。衡圍準衡長而殺。其為衡任則同。上
文故云衡任者五分其長。以其一為之圍也。若衡軸
同圍。上文當云衡任者五分其衡之長。以其一為之
圍。不得但云五分其長。以其一為之圍也。此當云五
分其衡之長。以其一為之輈圍。不得云五分其軫。問
以其一為之輈圍也。倘謂上文是渾言以發其意。此

乃詳舉其制。則上文于任正者。何不渾言云十分其長。以其一為之圍。而必加輶之二字。以分析之也。况輶與皆加于軸。卽驗之今日之車。與下之軸亦較大。于車頭而絕無小于車轅者。若軸圍一尺三寸二分。則減于輶當免一寸二分矣。恐不勝任。反覆參攷。上文衡任者是記軸圍。衡圍此二句是記軸末圍。不容混為一甚明。軫間與車廣各別。鄭戴竝以六尺六寸之車廣當軫間。失之彌遠。

十分其輶之長。以其一為之當免之圍。

鄭曰輶當伏兔者也。亦圍尺四寸五分。寸之二與任

正者相應

戴曰輶所以引車也當兔在輿下正中其兩旁置伏兔車行以輶為持任之正即所謂任正者

攷曰記欲明頸踵與當兔小大之衰分因先記此二句其意本非欲與任正者相應然即謂為相應亦無不可此云當兔之圍下云兔圍明輶當兔與伏兔大小齊等也推得輶當兔橢方圍平徑二寸七分五釐立徑四寸四分五釐銜軸鈎心深一寸八分與伏兔竝同何以知之伏兔承軫平徑當同于軫軫立徑亦二寸七分五釐并伏兔立徑四寸四分五釐共得七

寸二分於記所云軹崇三尺三寸加軹與轅四尺者
贏二分所以必贏二分者軹空較軸為大軸半徑底
于軹半徑軹伏兔不贏二分則加于軸上不能足四
尺也軹當兔不為鉤心以銜軸則不能引車記不言
設鉤者以設鉤見于車人可互證也當兔圍同伏兔
則平徑立徑鉤心無不同伏兔甚明伏兔約長一尺
四寸六分六釐六豪六秒六忽零下文云環溝自伏
兔其證也伏兔銜軸其下復束以革縷謂之轆說文
云轆車伏兔下革也讀若閔段云謂以鞣固之軸上
也沫案軹當兔銜軸其下亦束以革縷謂之轆說文

云輹車軸縛也。易云輹說輹言輹銜軸不固車不可行也。正義引鄭注云輹謂輹下縛木與軸相連鈞心之木易是也釋名云輹伏也伏於軸上也鈞心從輹下鈞軸也皆合伏輹軫安置輹與伏兔上計必狀兔與輹之鈞心為一輹軫安輹與伏兔上計必則木為楔約長一二寸上半入軫下半入輹與伏兔以相楔固其楔在內不見于外故記概從畧

參分其兔圍去一以為頸圍

鄭曰頸輹前持衡者圍九寸十五分寸之九

攷曰九寸十五分寸之九即九寸六分也輹自當兔以前漸殺其下至于縛衡之頸圍周得九寸六分殺之極也戴云輹出軌前穹而上謂之胡胡謂之侯

論語邢疏引大行人立當前戾戾猶胡也沫案古音
戾與胡同胡牛領之下垂者軌前之輶上穹其後有
似下垂之胡故謂之胡戾以同音通借穹曲處以革
纓纏束歷錄有文謂之絜凡五處說文云絜車歷錄
束文也詩曰五絜梁輶毛云五五束也絜歷錄也梁
輶輶上句衡也一輶五束束有歷錄是也輶端持衡
者謂之軌戴云亦作軌大車名輶韓非子外儲說墨
子曰吾不知為車輶者巧也用咫尺之木不費一朔
之事而引三十石之任說文軌車輶端持衡者輶大
車輶端持衡者按大車高以駕牛小車衡以駕馬輶

端持鬲其關鍵名軛^軛端持衡其關鍵名軛^軛凍案軛頸與衡蓋不為杓鑿衡縛軛頸下但穿小空于軛端貫軛于中以制衡韓非子謂軛長咫尺其的證也何則軛頸圍周其徑三寸零五釐四豪一秒零與衡徑并得七寸二分五釐四豪一秒零故關鍵必用咫尺之木也且為杓鑿則衡之駕使不靈車當轉戾軛衡必敗折故但縛衡于軛端也

程曰承上當兔之圍而言參分兔圍是兔圍即當兔之圍省文也

辨曰兔謂伏兔也伏兔與軛當兔大小齊等故上云

當兔之圍此云兔圍明伏兔圍亦得輶長十分之一
竝非當兔之圍之省也程說舛甚

五分其頸圍去一以為踵圍

鄭曰踵後承軫者也圍七寸七十五分寸之五十一
攷曰七寸七十五分寸之五十一即七寸六分八釐
也輶自當兔以後漸殺其下及旁側以至于踵則圍
得七寸六分八釐為正方形徑得一寸九分二釐此
殺之極也上面不殺置軫尚平也

倉史居候箸第十種卷六終